



Province of the  
**EASTERN CAPE**  
EDUCATION

## **NASIONALE SENIOR SERTIFIKAAT**

**GRAAD 11**

**NOVEMBER 2011**

**AFRIKAANS EERSTE ADDISIONELE TAAL V3**

**PUNTE: 100**

**TYD: 2½ uur**



---

Hierdie vraestel bestaan uit 8 bladsye.

---

**INSTRUKSIES EN INLIGTING**

1. Hierdie vraestel bestaan uit DRIE afdelings:  
AFDELING A: Opstel (50 punte)  
AFDELING B: Langer transaksionele tekste (30 punte)  
AFDELING C: Korter tekste: Transaksioneel/Naslaan/Informatief (20 punte)
2. Beantwoord EEN vraag uit elke afdeling.
3. Skryf in die taal wat geassesseer word.
4. Begin elke afdeling op 'n nuwe bladsy.
5. Jy moet jou skryfstuk beplan, redigeer en proeflees. Gebruik byvoorbeeld 'n kopkaart of 'n vloeddiagram of sleutelwoorde, ens. Doen jou beplanning VOORDAT jy die finale produk vir elkeen van die afdelings skryf.
6. Alle beplanning moet duidelik aangedui word. Trek 'n streep deur die beplanning as jy jou finale weergawe oorgeskryf het.
7. Skryf duidelik die woorde FINALE SKRYFSTUK boaan die skryfstuk wat geassesseer moet word.
8. Nommer die skryfstukke soos wat dit op die vraestel verskyn.
9. Voorsien elke skryfstuk van 'n gepaste titel/opskrif.
10. Tel jou woorde en skryf dit regs onderaan die skryfstuk in hakies.  
LET WEL: die titel word nie in aanmerking geneem as die woorde getel word nie.
11. Skryf netjies en leesbaar.

**AFDELING A: OPSTEL**

Kies EEN vraag om te doen.

Die lengte van jou skryfstuk (opstel) moet tussen 200 en 250 woorde wees.  
Maak seker dat jou skryfstuk 'n titel het.

**VRAAG 1**

Jy het onlangs deur een van jou ouers se foto-albums geblaai en besef dat jou lewe ook uit momente bestaan. Vertel ons van jou lewe tot op hede.

Titel: My lewe in 'n foto-album.

**[50]****OF****VRAAG 2**

Beste opstel – beste prys!!!!

SABC 3 hou 'n skryfkompetisie. Motorentoesiaste moet in 'n opstel skryf waarom hy/sy gekies moet word om saam met die gewilde TOP GEAR 'n program op Kayalami te maak. Jy is 'n groot bewonderaar van die program en besluit om aan die skryfkompetisie deel te neem.

Voorsien jou skryfstuk van jou eie gepaste titel.

**[50]****OF****VRAAG 3**

**So boul jy jou 'date' uit.**

Tieners se liefdeslewe raak soms ingewikkeld.  
Reeds die eerste afspraak kan sy kwota stres oplewer.


Hierdie artikel in JIP(9.5.2011) het jou laat dink aan jou "eerste afspraak"! Skryf 'n opstel waarin jy uit jou perspektief (meisie/seun) beskryf wat jy van 'n eerste afspraak verwag.

Titel: So boul jy jou 'date' uit.

**[50]****OF**

**VRAAG 4**

Lees die volgende breinkaart oor die verskillende tipes misdaad wat daaglik in Suid-Afrika gebeur. Kies slegs **EEN tipe misdaad** wat jou die meeste beïnvloed het en skryf dan 'n opstel daaroor.



**BRON:** Snyman & Van Wyk. *Nuwe Afrikaans is Maklik*.

Titel: (Die misdaad wat jy gekies het om oor te skryf.)

**[50]**

**OF**

**VRAAG 5**

Waarom wil mense altyd uit hulle dorp/stad gaan om vakansie te hou? Jy kan net so 'n fantastiese vakansie by jou huis hê ... of nie? Skryf 'n opstel waarin jy standpunt inneem *vir* of *teen* die stelling wat gemaak is.

Titel: Tuisbly is die beste?

**[50]**

**OF**


**VRAAG 6**

Bestudeer die volgende visuele tekste noukeurig. Laat jou gedagtes gaan en kies EEN om oor te skryf. Jou skryfstuk moet kreatief wees en ooreenstem met die boodskap wat die prent uitbeeld.

6.1

BRON: Buys & Chetty. *Protecting Business Ideas*


6.2

BRON: [www.nmbt.co.za](http://www.nmbt.co.za)

6.3

BRON: [www.google.co.za](http://www.google.co.za)

6.4

BRON: Atkinson. *Leesfees*

Titel: Voorsien die skryfstuk van jou eie gepaste titel.

[50]

**TOTAAL AFDELING A: 50**

**AFDELING B: LANGER TRANSAKSIONELE TEKSTE**

Kies EEN vraag om te doen.

Die lengte van jou skryfstuk moet tussen 120 en 150 woorde wees.

Maak seker dat jy die instruksies by elke vraag goed deurlees en volg.

**VRAAG 7 Geskrewe onderhoud**

Jy wil graag aan 'n bekende filmskool gaan studeer. Die skool het vrae aan jou gestuur om te voltooi. Jou antwoorde sal bepaal of jy toegelaat gaan word om daar te studeer. Skryf die vrae neer en dan jou antwoorde. Jou antwoorde moet onderstreep word om dit uit te lig. Moenie die vrae as deel van jou finale aantal woorde tel nie.

**VRAE:**

Hoe word 'n mens 'n suksesvolle akteur/aktrise?

Baie mense wil beroemd wees. Dink jy dit is 'n goeie droom om te hê? Motiveer hoekom jy so sê.

Gee 'n kort beskrywing van die ideale rolmodel.

Wat is lekker daarvan om 18 jaar oud te wees?

Wat is jou opinie van huiswerk wat by die skool gegee word?

**[30]****OF****VRAAG 8 Informele brief aan die pers**

Jou plaaslike koerant het onlangs 'n artikel oor swak dissipline in skole gepubliseer. Hulle het gevra dat leerders aan hulle moet skryf oor die dissipline in hulle skool. Skryf 'n **brief** aan die koerant waarin jy van jou skool se goeie dissipline of die gebrek daaraan, vertel.

**[30]****OF****VRAAG 9 Resensie**

Jou skool het onlangs 'n musiekblyspel in die teater opgevoer. Jy is die persoon wat die resensie skryf en terugvoering aan die res van die skool oor elke aand se vertoning gee. Skryf nou hierdie **resensie**.

**[30]****OF****VRAAG 10 Vriendskaplike brief**

Jou vriend/vriendin het die volgende briefie aan jou geskryf en gevra dat jy hom/haar advies moet gee.

My ma maak my mal! Sy wil altyd eers die ouers ontmoet van die vriende by wie ek gaan kuier. Sy loop in by die huis en bekijk alles. Sy vra almal se name en hoe oud hulle is. Die ergste is dat sy my dan voor almal soen en vertel hoe lief sy vir my is! Hoe kan ek haar vertel dat sy my skaam laat kry voor my vriende - veral as daar 'n oulike meisie/ou is waarvan ek hou?

Skryf terug aan jou vriend/vriendin en gee hom/haar raad met die probleem wat hy/sy het.

**[30]****TOTAAL AFDELING B: 30**

**AFDELING C: KORTER TEKSTE**

**Kies EEN vraag om te doen.**

Die lengte van jou skryfstuk moet tussen 80 en 100 woorde wees.

Volg die instruksies by elke vraag noukeurig.

**VRAAG 11 Memorandum**

Die volgende strokiesprent is deur Peter Snyders (digter) geskryf met die doel om jongmense te laat beseef hoe belangrik 'n goeie opvoeding is.



BRON: Le Roux (Red.) *Kaperjol*.

Stuur 'n **memorandum** aan 'n instansie wat met straatkinders werk en bied jou skool se hulp aan.

Gebruik die volgende formaat vir jou memorandum:

**MEMORANDUM**

**NAAM VAN INSTANSIE:**

**AAN:**

**VAN:**

**DATUM:**

**KONTAKNOMMER:**

**ONDERWERP:**

**BOODSKAP:**

**GETEKEN:**

[20]

OF

**VRAAG 12 Reisplan**

Vir jou verjaarsdag het jy 'n reis beplan, maar niemand het nog so 'n reis onderneem nie...jy gaan jou vriende/vriendinne op 'n reis neem deur jou plaaslike inkopiesentrum.

Kies 'n sentrum in jou dorp en beplan jou "reis". Maak seker dat die volgende inligting in jou **reisplan** is: tye, plekke, wat daar te sien is en wat julle daar gaan doen. Maak gebruik van kolomme om jou reisplan op te trek.



BRON: Rapport 10 April 2011

[20]

OF

**VRAAG 13 Dagboekinskrywing**

Elke keer as ek \_\_\_\_\_ onthou, glimlag ek.  
Ek mis hom/haar elke dag.

Wie mis jy? Waarom mis jy hom/haar? Wat het gebeur?  
Skryf in jou **dagboek** hieroor.

[20]

OF

**VRAAG 14 Instruksies**

'n Baie belangrike kompetisie gaan by jou skool gehou word. Jy is op die komitee wat die verversings (etes) moet verskaf. Maak 'n lys van al die **instruksies** wat jy aan die snoepwinkel moet gee vir die dag. Die leerders gaan van 09:00 tot 16:00 by die skool wees.

[20]

**TOTAAL AFDELING C: 20**

**GROOTTOTAAL: 100**